

「國家社會科學基金重大項目」

何建明 主編

中國地方志
佛道教文獻匯纂

寺觀卷

(108)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（108）

國家圖書館出版社

勅修浙江通志卷二百三十二

寺觀 七

台州府 下

天台縣

國清寺 赤城志在縣北一十里舊名天台隋開皇十八年爲僧智顗建先是顗修禪於此夢定光告曰寺若成國卽清大業中遂改名國清李邕記所謂應運題寺是也唐大中年重建額爲柳公權書宋景德二年珍賜甚夥後燬於寇獨隆手題蓮經與西域貝多葉一卷及隋旃檀佛像佛牙僅存建炎二年重新之

寺左右有五峯巖澗號四絕之一

晏公類要齊州靈巖荊州玉泉潤州

棲霞台州國清世稱四絕

上有三賢堂錫杖泉香積厨有歌羅大

神像寺前有新羅園唐新羅僧悟空所基東南有祥

雲峯拾得巖東有清音亭其最高處有更好堂寺後

巖有瀑布循澗而上尤爲奇勝天台山方外志元至

正間建雨華亭築萬工池明洪武甲子大風雨殿宇

摧毀隆慶庚午重建大雄殿嗣燬萬歷乙未重建壬

寅賜御經一藏建藏經閣

皮日休寄題天台國清陸詩十里松門國清路飯猿

臺上菩提樹怪來烟雨落晴天原是海風吹瀑布陸龜蒙寄題天台國清寺詩峯帶樓臺天外立明河邑

近果恩濕松間石上定僧寒半夜猶溪水聲急杜荀鶴國清寺詩一到天台寺高低景旋生共僧巖上坐

見客海邊行野色人耕破山根浪打鳴忙時向隅處
不覺有閒情章得象國清寺詩松韻蕭騷十里清入
門毛骨冷如冰題詩已有丹青筆悟法應多黑白僧
風雨只疑幾澗瀑星辰長認上方燈來遊不是忘機
客誰到雲峯第一層釋德榮題國清寺詩竹院深深
近翠微短簾容易掩斜暉香殘瓦鼎僧初定月上松
巢鶴未歸落澗只供煎茗水飛雲留伴坐
禪衣客遊正值春將半風落桃花片片飛

國朝康熙十八年修雍正十一年奉

勅動帑鼎建十二年

御書華嚴淨域四字扁額

闡法寺

天台山方外志在縣南五里晉黎護將軍劉

元捨宅建名建平舊傳元因遇雨感金錢之異建寺

原在縣南一十步後有鴿子和尚徙今地號鴿子道

場寺側有靈龜峯又有綴石坡陀迤邐草木蒙茂左右溪流縈帶民居皆樹桃花熙春彌望如綺錯焉宋祥符元年改今額紹定四年縣令潘晉孫篆額明洪武初廢後許原平捐金助建

善興寺

台州府志在縣東北六十里舊名華頂圓覺

道場晉天福元年僧德韶建僧智顓嘗晏坐於此有降魔塔伏虎壇鬼疊石白雲先生室井泉先生居又傳有葛元茶圃王羲之墨池宋治平三年改今額明洪武四年燬僧宗濟重興隆慶中又燬復新之

禪林寺

台州府志在縣西南一十五里舊名龍山集

雲院僧智顗建唐天寶六年改龍山爲始豐宋乾德二年改龍山崇修大中祥符元年改今額

石橋寺

台州府志在縣北五十里相傳五百應真之境宋建中靖國元年建後燬紹興四年重建有觀音應真閣今有上下方廣寺

國朝康熙十七年有范若鑄者祝髮名體宏傾資重修更建大悲閣

大慈寺

赤城志在縣北二十九里陳時爲僧智顗建

蓋顗思修初地及定光受記銀地之所直寺門巽隅號佛壠顗第二宴坐處隋創國清乃更寺爲道場宋

大中祥符元年改今額其法堂曰淨名以顓嘗講是

經故也

寺有顓所供普賢及手書陀羅尼經隋朝所賜寶冠尙存有漱玉亭又有虞世南所書華

嚴經紹興中爲秦檜取去

鴻爪集唐梁肅撰碑尙在天台縣志明

洪武十七年寺爲風雨所壞僧德興重建

葉清臣大慈寺詩佛

壠光沉茂草平林間猶作誦經聲一心三觀休分別
秋靜山高海月明洪适遊大慈寺詩振策快秋晴伽
藍倚翠屏看雲不留瞬對竹已忘形銀地傳
千載虹橋拱百靈至今鐘磬響如講淨名經

天封寺

嘉靖浙江通志在縣北五十里天台山方外

志陳太建七年僧智顓建初顓入山見一老父告云

師卜菴遇盤石可止其後果如所告遂結廬焉因自

號靈墟葢第五思修地其注涅槃經處號智者嶺中

有卓錫泉北望一峯摩雲卽華頂也隋開皇五年賜號靈墟道場漢乾祐中改智者院宋治平三年改今額舊有瑞雲閣

萬年報恩光孝寺

天台縣志在縣西北六十里赤城

志唐太和七年僧普岸建初晉興寧中僧曇猷憩此四顧八峯回抱雙澗合流以爲真福田也遂經始焉唐大中年號鎮國平田梁龍德中改福田宋雍熙二年改壽昌建中靖國初火崇寧三年重建號天寧萬壽紹興九年改報恩光孝先是太平天禧中累賜祿衣寶蓋及御袍履諸珍玩甚衆有親到堂妙蓮閣覽

衆亭淳熙十四年日本國僧榮西建三門西廡仍開
大池香積有釜極深廣世傳闍提首那尊者所鑄東
南十里有嶺曰羅漢巨杉偃蹇繁之大百圍凡供五

百大士必於是邀請云天台縣志明萬歷十五年李

太后賜藏經知縣毛鶴騰建藏經閣

張舜民題萬年寺詩休論雪竇

與雲峯且看天台劍戟叢萬水千山來閣上一花六
葉見池中誰將色界填空界不離香風席祖風有底
妙蓮談不盡却成賦筆與興公陳知柔萬年寺詩古
寺來接宿雲巖第幾層有詩堪供佛無事且依僧小
閣泉喧枕修廊雨暗燈好峯看未足幽夢幾回登法
迺雨中宿萬年寺詩夢回深夜耿秋燈泉竇爭流一
味清過雁不聞天外影寒松長送枕邊聲雲風可但
久無賴急雨那能便寢行已問曉臺幾闕路此心何
必羨
層城

國朝順治初燬僧無礙重興

翠屏寺

台州府志在縣西南三十五里唐乾符二年

建先是吳赤烏中有周禪師居此以山如屏時名翠

屏菴宋治平三年改淨安院今爲翠屏寺

趙師秀翠屏寺詩石

巖看不見翠色自重重春雨注松葉山風響鐵鐘碑頭工廢墨草嫩綠添茸住院吳僧老相迎憶舊逢

慈雲寺

赤城志在縣西北三十五里舊名安國雲居

院晉天福元年建蓋僧德韶第二道場宋大中祥符

元年改今額隆興初併入護國今復興有雙松亭天

台山方外志寺廢明萬歷間僧眞清與弟子如惺重

新之

見公爲遊慈雲寺詩雲間龍蹏千尋幹地底雷奔萬仞泉寄與廬山舊遊客此中端不減棲賢

白巖寺

天台縣志在縣西北十四都宋末僧普耀初
憇此地有神江白郎告曰此吾居也以師德業尊廣
願推此室相奉遂呼白巖隋大業中僧純陀徙平地
五十步唐貞觀十年賜號白巖寺會昌中廢咸通二
年重建宋大中祥符六年改賜妙智寺今復爲白巖
舊有列秀亭王羲之墨池

高明寺

台州府志在縣東北十一都按舊經本名高
明唐天祐七年建今改錢氏所藏遺墨乃清泰三年
號智者幽溪道場今殿前有石經幢刻云天福二年
捨入幽溪禪院可驗也宋大中祥符元年改淨名不

知何時復今額故老相傳謂先此惟喬木叅天薜蘿

翳坎廡麤是居樵牧罕至智者大師時居佛隴講淨

名經忽經爲風飄翩翩不下乃杖錫披荆尋經所詣

行五里許風息而經憇此大師乃卽其地以營淨居

智者十二刹此其一也明嘉靖間寺廢萬歷中僧傳

燈重建內有元雲洞看雲石

王範高明寺詩偶來穿竹逕迤邐叩山名怪石

堆成洞幽泉噴作聲看雲僧入定冒雨客偕行一夜曇花發靈根何處生

無相寺

赤城志在縣西南三十五里舊在瑞龍巖北

號戲龍唐咸通二年建時有僧師簡以杖叩卧龍起

雨故名遠近勝槩凡十宋大中祥符元年改今額治

平中徙今處

崇善寺

天台山方外志在縣北赤城山下晉太元二

年建先是興寧中僧曇猷依巖造寺號中巖後多赤

蟻徙平地宋大中祥符元年改今額放生池在焉

許

題中巖寺詩蒼蒼松檜陰曉月露西岑素壁秋燈暗
紅爐夜火深厨開山風散鐘盡隴猿吟行役方如此

逢師懶

話心

謹按舊經作太康初建寺攷高僧傳曇猷興寧中
至台嶺若以爲太康則至猷已有寺百餘年矣

通圓定慧寺

天台縣志在縣北十一都周顯德四年

建德韶國師第一道場也宋大中祥符元年改淨名

院明天啟壬戌僧圓悟重興仍舊額

國朝康熙壬戌僧善鄰復修

寧國寺

天台山方外志在縣西四十五里梁普通三

年僧智達伐翳結廬每誦經則羣鶴翔空紫雲覆頂
故山名紫凝後建寺名棲禪唐會昌中廢大中五年
重建宋大中祥符元年改今額天聖四年僧居昇新
之明初廢今重建

寒巖寺

天台山方外志在縣西北寒石山舊名崇福

梁開平元年建蓋寒山子棲隱處周顯德中改聖壽
昭儀孫氏重新之由明巖北五里而上四山聳秀水
流亂山間繚如環珮院宇周阿並置巖下窻扉軒戶

開闢於烟雲紫翠中故南山之標勝者推寒明二巖

宋大中祥符三年改福善院今稱寒巖寺

洪适題寒巖寺詩峭

雲插青冥巖巖覆化城空中清磬發幽處慧燈明萬
瓦是雲氣四簷無雨聲豐平不饒舌此地孰知名許
廣大寒巖寺詩幽尋入藤蘿谷轉樵徑少夕陽度遠
空鐘聲出林杪陰風吹空壑招提極深窅中有茹芝
人冥搜事幽討揮手謝時人高蹈羣峯表石床
思舊遊春林忽啼鳥夜來山雨多岩巖落清曉

明巖寺

赤城志

在縣西北明巖五代時僧全宰棲焉

入門兩石夾峙號石門前對幽石橫敞飛閣巖竇嵌

空堂宇半居其下大槩如寒石山台州府志宋大中

祥符元年改爲大梵今復爲明巖

慈聖寺

天台縣志

在縣西北十五里舊名蹟聖宋治

平三年改今額後祀

國朝順治八年庠生陳必逢捐香燈田重建

淨慧寺

赤城志在縣西九十里舊名寶慈唐乾化元

年僧景瑫建蓋天台十八剎之一也舊爲隋高僧飛
錫處及是瑫卓菴已而造寺燃柏香密禱以烟至處
爲址焉宋大中祥符元年改今額台州府志舊傳葛
元嘗植蘆數本故今寺前有蘆峯

廣嚴寺

台州府志在縣西五十里舊名長隴唐光啟

三年建凡三徙至今地宋治平元年改今額舊傳寺
鑄鐘久不就有老婦投一錢於冶中鐘卽成而錢宛